

Ժողովուրդ

132
(2982)

1 հոկտեմբերի երեքշաբթի 2024
տպագրության ԺԳ տարի

Թ. Երևան, Արվյան 22ա/3 (0010)

+ 374 10 546423

info.armlur@gmail.com, info.zhoghovurd@gmail.com

100 դրամ

ՊԱՇՏՈՆԱՆԿՈՒԹՅԱՆ ՀԻՄՆԱՎՈՐ ՊԱՏՃԱՌՆԵՐ ԱՅՐՊԵՍ ԷԼ ՉԵՆ ԳՏՆՈՒՄ



Արդարադատության նախարար Գրիգոր Մինասյանի պաշտոնակազմության շուրջ ԶԳ-ում նոր խմբումներ են տեղի ունենում: «Ժողովուրդ» օրաթերթն արդեն հայտնել էր, որ ԶԳ խմբակցության պատգամավորները ստորագրահավաք են իրականացնում Գրիգոր Մինասյանին հեռացնելու համար, սակայն 71 պատգամավորներից 27-ն է միայն միացել նախաձեռնությանը: Ավելի վաղ հայտնել էինք նաև, որ Գրիգոր Մինասյանի դեմ այս արշավի կազմակերպիչն է ԶԳ-ական Արմին Դավոյանը՝ Անդրանիկ Քոչարյանի հանձնարարությամբ:

«Ժողովուրդ» օրաթերթին տեղեկություններ են հասել, որ Մինասյանի դեմ դավեր նյութողների թվում է նաև Լուսինե Բաղայանը՝ Լույս: Արմին Դավոյան-Լուսինե Բաղայան-Անդրանիկ Քոչարյան եռյակը կուսակցության դռնփակ նիստերից մեկի ժամանակ հրապարակավ բողոքել է, որ դժգոհ է նախարար Գրիգոր Մինասյանի աշխատանքից, քանի որ նա Միքայել Մինասյանի եղբայրն է, եւ հայտարարել են, որ այդ պատճառով էլ նրա պաշտոնակազմության հարցով ստորագրահավաք են սկսելու: Սակայն եռյակի այս նախաձեռնությունն այնքան էլ միանշանակ չի ընդունվել ԶԳ-ում, անգամ Նիկոլ Փաշինյանն է ասել, որ ինքը գոհ է Գրիգոր Մինասյանի աշխատանքից ու պատգամավորներից պահանջել է հիմնավոր պատճառներ ներկայացնել, թե ինչու նախարարը պետք է պաշտոնակազմ արվի:

Ստորագրահավաք նախաձեռնողներն էլ, որպես պատճառ, նշել են նախարարի եղբոր՝ Վատիկանում 33 նախկին դեսպան Միքայել Մինասյանի գործունը: Ներկա ԶԳ-ականները, սակայն, ասել են, որ Գրիգոր Մինասյանն արդեն երկու տարի է պաշտոնավարում է, ու ամենեին նորություն չէ, որ Միքայել Մինասյանի եղբայրն է. ուստի չի կարող դա պաշտոնակազմության համար լուրջ հիմք ընդունվել, ավելին՝ կարող է ծիծաղելի դիտարկվել:

Անդրանիկ Քոչարյանն էլ այդ պահին հանկարծ թիմակիցների մոտ հայտարարել է, թե Գրիգոր Մինասյանը Բեռլինում բնակարան է ձեռք բերել, ու թիմակիցներին վստահեցրել է, որ կոռուպցիոն միջոցներով է դա եղել, սակայն դարձյալ չի հիմնավորել իր ասածը: ԶԳ-ականներն էլ իրենց հերթին հակադարձել են, որ պետք չէ «օրում խոսել», գոյություն ունի իրավապահ համակարգ, կոռուպցիայի կանխարգելման հանձնաժողով, թող դիմեն, եթե իսկապես ապացուցվի, որ նախարարը կոռուպցիոն միջոցներով է բնակարան ձեռք բերել, կամ բերել է իսկապես, ապա իրավապահներն արդեն այդ հարցով կզբաղվեն:

Կարճ ասած՝ նախարարի պաշտոնակազմության մասով ներշնչանական խարդավանքները դեռ շարունակվում են. Նիկոլ Փաշինյանը հիմնավորումների է սպասում:


Հավելենք նաև, որ երեկ՝ երեկոյան, ԱԺ քառօրյա նիստից առաջ ԶԳ խմբակցության նիստ է հրավիրվել, որի ժամանակ Արմին Դավոյանը դիմել է Հայկ Կոնջորյանին՝ տեղեկանալու՝ արդյոք կա նորություն ստորագրահավաքի փաստաթղթերից, Կոնջորյանն արձագանքել է, որ փաստաթղթերը փոխանցել է Նիկոլ Փաշինյանին, ու հաջորդ քայլը կքննարկեն արդեն վարչությունում:

Այժմ սպասում են պատասխանին:

Երեանի քաղաքապետարանը միջոցառման համար ավելի շատ գումար է ծախսել, քան Երեանում նոր ծառերի տեղադրման համար: Սեպտեմբերի 17-24-ը բացօթյա ձմեռային թմրամեջքի անվան այգում կայացավ «Երեան կլասիկ ֆեստ» խորագրով սիմֆոնիկ նվագախմբերի երեանյան միջազգային առաջին փառատոնը, որին մասնակցության հայտ էին ներկայացրել աշխարհի լավագույն եւ ճանաչված նվագախմբերը: Հայաստանյան երաժշտախմբերի հետ նույն հարթակում հանդես եկան Միլանի Լա Սկալա թատրոնի «Ակադեմիա» նվագախումբը, Սանկտ Պետերբուրգի հռչակավոր ակադեմիական ֆիլհարմոնիկ նվագախումբը, Ելոյթ ունեցան Հայաստանի ազգային ֆիլհարմոնիկ նվագախումբը, օպերայի եւ բալետի ազգային ակադեմիական թատրոնի նվագախումբը եւ երգչախումբը, Հայաստանի պետական սիմֆոնիկ նվագախումբը, Երեանի քաղաքապետարանի «Երեան» պատանեկան սիմֆոնիկ նվագախումբը: Ելույթների այս շքերթը, որով ներկայանում էր Yerevan Classic Fest միջոցառումը, Երեանի քաղաքի բյուջեի համար արժեքավոր 339 մլն 986 հազար դրամ գրեթե 877 հազար ԱՄՆ դոլար: Տվյալները «Ժողովուրդ» օրաթերթը վերցրել է պաշտոնական աղբյուրներից: Համեմատության համար նշենք, որ գարնանը տնկված նոր ծառերի՝ Սակոբայի, Սոսիի, Թխկիի, Թեղիի, Կատալպայի, Սաֆորայի, Ալբիցիայի, Չիկասկի, Հոլոպայի, Կեյլեթերիայի համար նախատեսվել էր, 148 մլն դրամ գրեթե 382.000 դոլար: Ստացվում է, որ Երեանի բյուջեի համար քաղաքի ծառերը կտրելը, էտելը եւ նորը տեղադրելն ավելի էժան է, քան մի քանի օր համերգ կազմակերպելը: Եվ այստեղ է, որ Երեանի Կանաչապատում ՀՈՒԿ-ի ղեկավար Բեգոյանի աշխատանքն իր «հմայքով» առաջ է գալիս:



ՀՀ փորձաքննությունների կենտրոն ՊՈԱԿ-ում թեև բազում աշխատակիցներ կան, սակայն «Ժողովուրդ» օրաթերթը նկատեց, որ պաշտոնական կայքում ընդգծված է ԶԳ-ական պատգամավոր Արմեն Խաչատրյանի որդու՝ «կերպարը»: Տասնյակ բաժնի պետերի, այլ աշխատակիցների ֆոնին պատգամավորի որդու՝ Էդուարդ Խաչատրյանի լուսանկարն է «գարդարում» ՊՈԱԿ-ի պաշտոնական կայքը: Անշուշտ, սրանք մանրուքներ չեն եւ արտացոլում են որոշ ԶԳ-ականների արագ անցումը բուրժուական կարգավիճակի: Դե իսկ Արմեն Խաչատրյանը կարկառուն «նախկին» է, «նախկինների թալանի դարբնաց»՝ «Ժողովուրդ»-ը ավելի վաղ գրել էր՝ ներկայացնելով Էդուարդ Խաչատրյանի հայտարարագրերը՝ մասնավորապես, որ վերջինս միանձնյա սեփականությամբ հողամաս է գնել, որը գտնվում է Արմավիրի մարզի Մայիսյան գյուղում, եւ ձեռք է բերվել 2021 թվականին, սակայն 2022 թվականին օտարվել է 5 մլն դրամով Շալա Պետրոսյանի կողմից: Տարեսկզբին պատգամավորի որդին ունեցել է 2 մեքենա՝ Toyota մակնիշի, 2015 թվականի արտադրության, որը ձեռք է բերվել 2019 թվականին, եւ 2011 թվականի արտադրության Nissan մակնիշի ավտոմեքենա ձեռք բերված 2021 թվականին: Տարվա ընթացքում պատգամավորի որդին ձեռք է բերել եւս մեկ մեքենա՝ 2002 թվականի արտադրության Volkswagen, որը նույն տարում օտարվել է 500 հազար դրամով. նույն տարում օտարվել է նաև Nissan մակնիշի մեքենան 3 մլն 500 հազար դրամով: Տպավորություն է, թե Էդուարդ Խաչատրյանը մեքենաների առքուվաճառքի բիզնեսով է զբաղված եղել:



«Ժողովուրդ» օրաթերթի տեղեկությունների համաձայն՝ ՀՀ ոստիկանությունում հաղորդում է ներկայացվել այն մասին, որ ՀՀ վերաքննիչ վարչական դատարանը վարչական գործերով կայացրել է 16 որոշումներ, որոնցով ՀՀ պաշտպանության նախարարությանը պարտավորեցվել է ՀՀ օրենսդրությամբ սահմանված կարգով պետական բյուջեի միջոցների հաշվին քաղաքացիներին բնակարան ձեռք բերելու համար հասանելի անհատույց ֆինանսական աջակցություն տրամադրել: ՀՀ ֆինանսների նախարարությունը, սակայն, ֆինանսավորում չի տրամադրել՝ չկատարելով ՀՀ վերաքննիչ վարչական դատարանի որոշման պահանջները: Արդյունքում, իրավապահները սկսել են քննություն: «Ժողովուրդ» օրաթերթը քաղաքացիների կողմից ֆինանսների նախարարության դեմ ներկայացված հաղորդման գործով դիմեց նախարարություն, սակայն ֆինանսարարությունից հայտնեցին. «ֆինանսների նախարարությունը նշված վարչական գործերով կայացված դատական ակտերի հասցեատեր չի հանդիսանում: Ավելի մանրամասն պարզաբանումներ ստանալու համար առաջարկում են դիմել պաշտպանության նախարարություն»: Ստացվում է, որ պետական կառույցները միմյանց վրա են գցում՝ հարցը, իսկ դատարանի որոշումը չի կատարվում, ինչը քրեորեն պատժելի արարք է: «Ժողովուրդ» օրաթերթը դիմեց նաև ՀՀ ՊՆ՝ մեկնաբանության համար սակայն մեր հեռախոսազանգերն ու հաղորդագրությունները մնացին անպատասխան:




ԻՐԱՎԻՃԱԿ

ԱՂԻՐԵԶԱՆԸ ՈՉՆՉԱՏՆՈՒՄ Է ՀԱՅԿԱԿԱՆ ԺԱՌԱՆԳՈՒԹՅՈՒՆԸ

«ՊԱՏՄՈՒԹՅԱՆ ՄԻՏՈՒՄՆԱՎՈՐ ԶՆՋՈՒՄ»

Հոլանդական NOS հանրային հեռարձակողը «Պատմության միտումնավոր ճնշում» խորագրով հոդված է հրատարակել օկուպացված Արցախում Ադրբեջանի կողմից հայկական մշակութային ժառանգության ոչնչացման մասին:



տումնավոր ջնջելու միջոց է», - նշել է Պլեցը:

Հոդվածում նշվում է, որ Լեռնային Ղարաբաղում ավերածությունները ոչ միայն երեւում են արբանյակային լուսանկարներով, այլև արձանագրվել են ադրբեջանցի զինվորների կողմից: Տեսանյութերից մեկում երևում է, թե ինչպես են ադրբեջանցի զինվորները մտնում հայկական եկեղեցի եւ ավերածություններ պատճառում:

«Մշակութային ժառանգությունն օգտագործվում է նաեւ հողի իրավունքն օրինականացնելու համար: Այն ոչնչացնելով՝ դուք էթնիկ մի խմբին զրկում եք իրենց պատմական արմատներից այդ վայրում», - հավելել է Պլեցը:

Ինչպես նշում է NOS-ը, քանդելով այս տարածքում դարեր շարունակ կանգուն եղած կառույցները՝ պատմության մի մասը ջնջվում է:

Է. ՄԱՐՏԻՐՈՍՅԱՆ

ԱՐՏԱԿԱՐԳ ՀԱՆԳԻՊՈՒՄ Է ՀՐԱՎԻՐՎԵԼ

ԵՄ արտաքին գործերի եւ անվտանգության քաղաքականության հարցերով բարձր ներկայացուցիչ Ժոզեպ Բորելը սեպտեմբերի 30-ին հրավիրել է ԵՄ 27 երկրների արտաքին գործերի նախարարների արտակարգ հանդիպում տեսակոնֆերանսի ձեւաչափով՝ քննարկելու Մերձավոր Արեւելքում ստեղծված իրադրությունը:

Bloomberg-ը, վկայակոչելով Բորելի գրասենյակի տարածած հայտարարությունը, հաղորդում է, որ ԱԳ նախարարները կքննարկեն նաեւ Լիբանանում, այդ թվում՝ Բեյրութում Իսրայելի իրականացրած ավիահարվածները, «Հրդ-բոլլահ»-ի ղեկավար Հասան Նասրալահի սպանությունը:

ԻՍՐԱՅԵԼ-ԼԻԲԱՆԱՆ. ԿՐԶԵՐԸ ՉԵՆ ՀԱՆԳԱՐՏՎՈՒՄ

Ասիայում կրքերը չեն հանդարտվում, պատերազմի արկերը չեն դադարում պայթելուց:

Իսրայելի ռազմաօդային ուժերը հարվածներ են հասցրել մի շարք թիրախների Լիբանանի տարբեր շրջաններում, այդ թվում՝ երկրի արեւելքում գտնվող Բեքքայի հովտում: Այս մասին հայտնում է Իսրայելի պաշտպանության բանակի (ԻՊԲ) մամուլի ծառայությունը:

Ըստ Telegram-ում տարածված հայտարարության՝ ռմբակոծվում են Բեքքայի հովտում շիաների «Հրդբոլլահ» կազմակերպությանը պատկանող օբյեկտները: Իր հերթին Լիբանանի ԱI Mayadeen հեռուստաալիքը հաղորդել է, որ ավելի քան 10 մարդ է զոհվել Բեքքայի հովտի Չերմել քաղաքում իսրայելական ավիահարվածներից: Ըստ հեռուստաալիքի տվյալների՝ կան մեծ թվով վիրավորներ:

Մեկ այլ հայտարարության համաձայն՝ կործանիչ ինքնաթիռները Լիբանանի տարածքում «Հրդբոլլահ»-ին պատկանող տասնյակ թիրախների են հարվածել, այդ թվում՝ «արձակման կայանների, որոնց նշանառության տակ էր Իսրայելի տարածքը, շենքերի, որտեղ պահվում էին զենքեր, եւ ահաբեկչական ենթակառուցվածքների»:

Ըստ Լիբանանի իշխանությունների՝ սեպտեմբերի 29-ին իսրայելական ավիահարվածներից առնվազն 105 մարդ է զոհվել: Իսկ ընդհանուր առմամբ, վերջին օրերին զոհերի թիվը գերազանցել է 1000-ը, 6000 մարդ վիրավորվել է: Ըստ Լիբանանի կառավարության՝ տեղահանվել է շուրջ մեկ միլիոն մարդ՝ երկրի բնակչության մեկ հինգերորդը:

«Իսրայելի հարձակումների պատճառով փախստականների թիվը կարող է հասնել 500 հազարի», - ասել է Լիբանանի վարչապետ Նաջիբ Միքթաբին:

Լիբանանի տարածքի ռմբակոծությունների մեկնարկից օրեր անց իսրայելցիները բաց տեքստով հայտարարում են՝ օդային հարվածներին հետեւելու է ցամաքային հարձակումը:

Այս մասին նախօրեին, առաջնագիծ կատարած այցի ժամանակ, հայտարարում էր Իսրայելի զինված ուժերի գլխավոր շտաբի պետ Յերցի Հալելին:

ՕՐՎԱ ԽՃԱՆԿԱՐ

ԿԱՐՄ-ԳՅՈՒՄՐԻ ԵՐԿԱԹԳԻԾԸ ԿԱՐՈՂ Է ԳԱՐՊԱՍ ԳԱՌՆԱԼ

Հայկական կողմն ուրախ է Հայաստան-Թուրքիա հարաբերությունների կարգավորման դրական դինամիկայով, սակայն կարծում է, որ շատ ավելին կարելի է անել այդ ուղղությամբ:

Այս մասին ասել է Հայաստանի արտաքին գործերի փոխնախարար Վահան Կոստանյանը թուրքական Anadolu լրատվական գործակալությանը:

Լրատվական գործակալությունը նշում է, որ Կոստանյանի այս դիրքորոշումը հաջորդում է Հայաստանի վարչապետ Նիկոլ Փաշինյանի եւ Թուրքիայի նախագահ Ռեջեփ Թայիփ Էրդոհանի՝ Նյու Յորքում կայացած հանդիպմանը:

«Մենք ուրախ ենք Հայաստան-Թուրքիա հարաբերությունների կարգավորման դրական դինամիկայով, բայց մենք հավատում ենք, որ շատ ավելին կարելի է անել՝ հատկապես, երբ խոսքը հարաբերությունների լիարժեք կարգավորման, սահմանի բացման եւ դիվանագիտական հարաբերությունների հաստատման մասին է», - ասել է Վահան Կոստանյանը:

Կոստանյանը Հայաստանի եւ Թուրքիայի ղեկավարների հանդիպումը գնահատել է բավականին դրական քայլ՝ նկատելով,

որ երկու երկրների ղեկավարները միմյանց դիրքորոշումները հասկանալու պատրաստակամություն են ցուցաբերել:

ԱԳ փոխնախարարը հիշեցրել է երրորդ երկրների քաղաքացիների եւ դիվանագիտական անձնագիր ունեցողների համար սահմանի բացման վերաբերյալ պայմանավորվածության մասին, որը ձեռք էր բերվել 2022 թվականի հուլիսին Վիեննայում:

«Մենք եւս մեկ անգամ վերահաստատել ենք, որ հայկական կողմը պատրաստ է: Մենք կատարել ենք անհրաժեշտ բոլոր ենթակառուցվածքային եւ տեխնիկական նախապատրաստական աշխատանքները, եւ մենք պատրաստ ենք անցնել պայմանավորվածության իրականացմանը», - ասել է հայ փոխնախարարը:

Ըստ Anadolu-ի՝ Կոստանյանը լավատեսություն է հայտնել ապագա համագործակցության վերաբերյալ, մասնավորապես Գյումրի-Կարս երկաթուղու վերագործարկման հարցում: Նրա կարծիքով՝ դա տնտեսական օգուտներ կբերի ոչ միայն Հայաստանին եւ Թուրքիային, այլ նաեւ ավելի լայն տարածաշրջանին:

«Մենք գիտենք, որ լոգիստիկ շղթաներից շատերը ներկայումս արգելափակված են կամ պատշաճ չեն գործում, եւ Կարս-Գյումրի երկաթգիծը կարող է նոր դարպաս դառնալ Հայաստանի համար՝ դեպի Եվրոպա, Թուրքիայի համար՝ դեպի Կենտրոնական Ասիա, դեպի Հինաստան», - ասել է նա՝ հավելելով, որ շատ

ավելին կարելի է անել, եւ դա կարելի է անել ավելի արագ:

Նա կրկնել է հայկական կողմի ուղերձը, որը փորձում են հասցնել թուրք տարբեր գործընկերներին. «Գործելու ժամանակը հիմա է: Մենք չպետք է ժամանակ կորցնենք»:

ՀՀ-ԻՐԱՆ ԿԱՊԵՐԻ ԶԱՐԳԱՑՈՒՄ

«Այս առևտրի կենտրոնը ամենախոշոր կենտրոնն է աշխարհում եւ սա վկայում է Իրանի եւ Հայաստանի միջեւ եղող բարեկամական խոր հարաբերությունների մասին»: Այս մասին Հայաստանում իրանական առաջին եւ ամենամեծ առևտրի կենտրոնի բացման ժամանակ ասաց ՀՀ-ում Իրանի դեսպան Մեհրի Սոբհանին:

«Իրանի եւ ՀՀ-ի միջեւ առևտրաշրջանառության ծավալը թռիչքային աճ են գրանցել, հուսով եմ, որ այս կենտրոնի բացումն էլ ավելի կնպաստի դրան: Վճռական ենք բոլոր ոլորտներում հարաբերությունները զարգացնել», - ասաց դեսպանը:

Դեսպանը շեշտեց. «Քաղաքական հզոր կամք է առկա 2 երկրների ղեկավարների դեպքում էլ՝ զարգացնելու երկրների միջեւ փոխգործակցությունը բոլոր ոլորտներում»:

ԻՐԱՎԱԿԱՆ

ԱՎՏՈՄԵԲԵՆԱՆՆԵՐԻ ԶՐԿԻԶՄԱՆ ԴԵՊՔՈՎ

ԿԱԼԱՆԱՎՈՐՎԵԼ Է 23-ԱՄՅԱ ԵՐԻՏԱՄԱՐԳ

2024թ. սեպտեմբերի 24-ին Երևան քաղաքի քաղաքապետարանի հարևանությամբ տեղի ունեցավ...



Հաղորդման առթիվ ՀՀ քննչական կոմիտեի ԵԶԲԿ Արաբկիր վարչական շրջանի քննչական բաժնում...

հողվածի 2-րդ մասի 2-րդ, 4-րդ եւ 6-րդ կետերով: Միջնորդություն է ներկայացվել դատարան՝ նրա նկատմամբ կալանքը որպես...

ԸՆԹԱՑԻԿ

ԵՐԵՒԱՅԻ ԱՌԵՎԱՆՔՄԱՆ ՓՈՐՉ ԿԱՏԱՐԱԾԸ ԿԱԼԱՆԱՎՈՐՎԵՑ

«Ժողովուրդ» օրաթերթին հայտնեցին, որ Երեւանի քաղաքապետարանի կատարած տղամարդը կալանավորվել է:

ԽՈՒՆԻՔԱՆՈՒԹՅԱՆ ԳԵՂՔԻ ՆԱԽԱԲՆՆՈՒԹՅՈՒՆԸ ԱՎԱՐՏՎԵԼ Է

Հայաստանի Հանրապետության քննչական կոմիտեն տեղակայեց էր, որ 2024 թվականի փետրվարի 24-ին ստացվել է համատիրության նախագահ Կ. Զ.-ի հաղորդումն այն մասին, որ ժամը 17:00-ի սահմաններում Պ. Սեւակ փողոցի 8/1 շենքի բակում դիտորդություն է արել Պ. Սեւակ փողոցի 8 շենքի մի բնակիչ, եւ առաջացած վիճաբանության ժամանակ այդ բնակիչի եղբայրն իր մոտ եղած գազային ատրճանակով կրակել է իր ուղղությանը, ապա դանակով հարվածել է իր ձախ ուսին՝ պատճառելով վնասվածք: Դրանից հետո ինքը, ինքնապաշտպանության նպատակով, իրեն պատկանող գազային ատրճանակով կրակել է օդ:

ՔՐԵԱԿԱՆ ՔՐՈՆԻԿՈՆ

ՔՐԳՈՐԾ՝ 9-ԱՄՅԱ ԱՂՋԿԱ ՄԱՀՎԱՆ ԳԵՂՔՈՎ

Օրերս Արարատի մարզի Վեդու թիվ 2 միջնակարգ դպրոցում վնասվածքներ ստացած 9-ամյա աղջիկը երեկ մահացել է: Այս մասին տեղեկացնում են Արարատի մարզպետի աշխատակազմից:

ԿԵՂԾԻՔՈՎ ՈՐԳՈՒՆ ՀԱՎԱԲՆԵՐԻՑ ԱԶԱՏԵԼ Է

ՀՀ հակակոռուպցիոն կոմիտեում քննված քրեական վարույթով հիմնավորվել է, որ Կ. Չ.-ն, զբաղեցնելով Տավուշի մարզի համայնքներից մեկի վարչական ղեկավարի պաշտոնը...

վարժական հավաքներից, կեղծ նշում է կատարել վերջինիս՝ Ռուսաստանի Դաշնությունում գտնվելու մասին այն դեպքում, երբ որդին այդ պահին գտնվել է Հայաստանի Հանրապետությունում: Այնուհետեւ ակնհայտ կեղծ տեղեկատվություն պարունակող փաստաթուղթը Կ. Չ.-ն ուղարկել է համայնքապետարան, որից հետո այն դրվել է պաշտոնական շրջանառության մեջ: Վերը նշված հանցավոր արարքի համար Կ. Չ.-ին մեղադրանք է ներկայացվել ՀՀ քրեական օրենսգրքի 445-րդ հոդվածի 1-ին մասով:

Ըստ ոստիկանության տվյալների՝ սեպտեմբերի 27-ից 30-ը ՀՀ ՆԳՆ ոստիկանության ստորաբաժանումների կողմից բացահայտվել է հանցագործության 194 դեպք՝ որից 1-ը նախկինում կատարված:

ՄՇԱԿՈՒՅԹ

ՀՈՒՆԱԿՈԹՈՂ

ԲԱՅՎԵՅ ՑԵՂԱՍՊԱՆՈՒԹՅԱՆ ԶՈՂԵՐԻՆ ՆՎԻՐՎԱԾ ԲԱՆԴԱԿ

Երեկ տեղի ունեցավ Ավրորա Մարդի-գանյանին և Հայոց ցեղասպանության նահապետներին նվիրված հուշակոթող-քանդակի բացման արարողությունը...



Այսօր, երբ աշխարհը կանգնած է մեծագույն մարտահրավերների առաջ:

Ավրորա Մարդիգանյանը երիտասարդ աղջիկ էր, որն, անցնելով Հայոց ցեղասպանության սարսափների միջով՝ կարողացավ...

Հուշակոթող-քանդակը հարգանքի տուրք է նաեւ 1915-1923 թթ. Հայոց ցեղասպանությանը...

«Որպես հայ՝ ինձ համար մեծ նշանակություն ունի այս հուշակոթող-քանդակը: Այն արտահայտում է մեր երախտագիտությունը...

վարիչների խորհրդի նախագահ Վերոնիկա Զոնաբենդը, «Ավրորա» մարդասիրական նախաձեռնության խորհրդի անդամներ Աննա Աֆեյանը, Էրիկ Էսրայիլյանն ու Արման Զիլավյանը...

Հուշակոթող-քանդակը հանդիսավոր բացեցին Վերոնիկա Զոնաբենդը և Աննա Աֆեյանը՝ միանալով «Ավրորայի» մարդասիրության և երախտագիտության կոչին...

Ի թիվս այլ հարգարժան հյուրերի՝ բացման արարողությանը ներկա էին Արեւմտյան Եվրոպայի Հայրապետական պատվիրակի և Վատիկանում Ամենայն Հայոց Կաթողիկոսի ներկայացուցիչ Ս. Խաթակ արքեպիսկոպոս Պարսամյանը...

«ԶՈՒՅՐ ԴՊՐՈՑՆԵՐ»

ՄԵԿՆԱՐԿՈՒՄ Է ԾՐԱԳՐԻ ԱՇՆԱՆԱՅԻՆ ՇՐՋԱՓՈՒԼԸ

ՀՀ կրթության, գիտության, մշակույթի և սպորտի նախարարության աջակցությամբ այսօր՝ հոկտեմբերի 1-ին, մեկնարկում է Երեւանի և մարզերի երաժշտական և արվեստի դպրոցների փոխգործակցության «Քույր դպրոցներ» ծրագրի աշխատանքները:

Երեւանի Ալ. Դեբեմյանի անվան երաժշտական դպրոցի նախաձեռնությամբ իրականացվող ծրագիրը 5 տարիների ընթացքում իր շուրջն է համախմբել հանրապետության ավելի քան 60 երաժշտական և արվեստի դպրոցների շուրջ 3000 սովորողների և մանկավարժերի:

Մշակութային ապակետորոնացման և տարածքային համաչափ զարգացման, արտադպրոցական ուսուցում իրականացնող հաստատությունների միջև կապեր ստեղծելու, ինչպես նաեւ համատեղ աշխատանքի և փորձի փոխանակման հարթակ տրամադրող ծրագրի աշխատանքները...

Համատեղ համերգային ծրագրից բացի՝ Երեւանից ժամանած մասնագետները Վանաձորի երաժշտական և արվեստի դպրոցների սաների համար կիրականացնեն վարպետության դասեր, որից հետո Վանաձորի կերպարվեստի թանգարանում կկազմակերպվի ճանաչողական այցելություն Երեւանից ժամանած երեխաների համար:

● Հոկտեմբերի 4-ին՝ ժամը 19:00-ին, Հ. Պարոնյանի անվան երաժշտական կոմերսիայի պետական թատրոնում կցուցադրվի «Մեր ճանապարհը» ներկայացումը: Տոմսերի արժեքը՝ 1.000-3.000 դրամ:

ՄԱՐԶԱԿԱՆ

ԹՈՒՐԸ ԵՐԿՐԱԳՈՒՆԵՐԸ ԲԵՐԿՐԱՍԻԱՆԵՐԸ ՀԱՅ ՖՈՒՏՈՐԻՍՏՆԵՐԻ ՎՐԱ ԵՆ ՀԱՐՁԱԿՎԵԼ

Թուրք երկրպագուները Ֆրանսիայում հարձակվել են Homenetmen Valence-ի հայ ֆուտբոլիստների վրա: Այս մասին գրում է ֆրանսիական Nouvelles Armenie պարբերականը:

Շրջանային առաջնության շրջանակներում սեպտեմբերի 29-ին հայ համայնքի ներկայացուցիչներից բաղկացած Homenetmen Valence -ն հերթական հանդիպումն է անցկացրել տեղի թուրքական համայնքը ներկայացնող FC Turquoise-ի հետ:

Առաջին խաղակեսից հետո, երբ Homenetmen Valence-ն հաղթում էր 2:0 հաշվով, թուրք երկրպագուները ներխուժել են խաղադաշտ՝ հարձակվելով հայ ֆուտբոլիստների վրա: Այս պահին հայ ֆուտբոլիստներից երկուսի վիճակը գնահատվում է ծայրահեղ ծանր:

Ֆրանսիական հեղինակավոր Le Figaro Magazine-ի փոխտնօրեն Ժան Քրիստոֆեր Բյուխտը X-ի իր միկրոբլոգում եւս մեկնաբանել է միջադեպը:

«Շրջանային ֆուտբոլային հանդիպման ժամանակ թուրք երկրպագուները, դժգոհ լինելով իրենց FC Turquoise թիմի՝ 2:0 հաշվից պարտությունից՝ դանակներով հարձակվել են հայկական ծագում ունեցող ֆուտբոլիստների վրա: Սա կոչվում է հարձակում՝ ռասսայական հողի վրա»:

ՄՐՑԱՇԱՐԻՑ ՓԱԽԵԼ ԵՆ ԳՈՊԵՆԳԻ ՊԱՏՃԱՌՈՎ

Հնդկաստանի Մոդիկապար քաղաքում ծանրամարտի մրցաշարի 519 մասնակիցներից 219-ը «փախել» են մրցումներից այն բանից հետո, երբ այնտեղ են ժամանել Ազգային հակադոպինգային գործակալության աշխատակիցներ, հաղորդում է Amar Ujala թերթը:

252 տղամարդկանցից 126-ը և 177 կանանցից 93-ը հրաժարվել են մրցույթից:

Insidethegames-ի հաղորդմամբ՝ մարզիկները, որոնք հաջողությամբ հանդես են գալիս պետական առաջնություններում և ազգային մրցաշարերում, կարող են ստանալ ֆինանսական օգնություն, քվեքվում սովորելու և պետական կառույցներում աշխատելու հնարավորություն, բայց եթե դրական դոպինգ թեստ անցնեն, կորակազրկվեն և կպարտավորվեն վերադարձնել ստացած գումարը:

Նշվում է, որ այս պատճառով մրցումներ շատ քաշային կարգերում կամ չեն կայացել, կամ մասնակցել են մեկ-երկու մարզիկ:



ՍՈՑԻԱԼԱԿԱՆ

ՀԱՐՑ. Որտե՞ղ դե՞ս է դիմի ֆաղափարին ընթացնելու նպատակով, սոցիալական նպատակով եւ հրատարակելու օգնություն ստանալու համար:
Անահիտ Նիկողոսյան (54 տարեկան)



ՊԱՏԱՍԽԱՆ. Իրեն անապահով համարող ընտանիքի չափահաս անդամներից մեկը, մյուս չափահաս անդամների գրավոր համաձայնությամբ, ընտանիքների անապահովության գնահատման համակարգում հաշվառվելու նպատակով դիմում է փաստացի բնակության վայրի սոցիալական աջակցության տարածքային գործակալություն (բաժին)՝ ներկայացնելով դիմում-հայտարարագիր, ընտանիքի անապահովության միավորը հաշվարկելու համար իր ընտանիքի անապահովության բնութագրիչների մասին ամբողջական տվյալները հավաստող փաստաթղթեր:

ՀՀ աշխատանքի եւ սոցիալական հարցերի նախարարություն

«ԺՈՂՎՈՒՐԳ». Հիշեցնենք, որ ընտանեկան նպաստ ստանալու իրավունք ունի ընտանիքների անապահովության գնահատման համակարգում հաշվառված՝ մինչեւ 18 տարեկան անդամ ունեցող այն ընտանիքը, որի անապահովության միավորը բարձր է ՀՀ կառավարության կողմից տվյալ տարվա համար սահմանված ընտանեկան նպաստ ստանալու իրավունք տվող սահմանային միավորից: Պետական նպաստ ստանալու համար քաղաքացին պետք է դիմի իր փաստացի բնակության վայրի՝ պետական նպաստ տրամադրելու Հայաստանի Հանրապետության կառավարության լիազորած մարմին:

ՄՇԱԿՈՒՅԹ

ՀԱՐՑ. Ի՞նչ կարգով է իրականացվում մշակութային արժեքների ժամանակավոր ներմուծումը:
Արամ Սողոմոնյան (48 տարեկան)




ՊԱՏԱՍԽԱՆ. Մշակութային արժեքների ժամանակավոր ներմուծումն իրականացվում է՝ ՀՀ կառավարության 2007 թ. հունիսի 1-ի N 827-Ն որոշման պահանջների համաձայն:

ՀՀ ԿԳՄ Նախարարություն

«ԺՈՂՎՈՒՐԳ». Մշակութային արժեքների ժամանակավոր ներմուծելիս հայտատուն մաքսային մարմին պետք է ներկայացնի հայտարարագիր, մշակութային արժեքներն ու դրանց լուսանկարները /3 օրինակ/: Մաքսային մարմնում համապատասխան ընթացակարգով ձեւակերպվում է մշակութային արժեքների ժամանակավոր ներմուծումը՝ «Ժամանակավոր ներմուծում» մաքսային ռեժիմով:

ԼՈՒՐ ԿԱԴՐ

Լուսանկարը՝ համացանցից



«Այսօր ի՞նչ է նշանակում լինել հայ: Ես կուզենայի իմանալ, ի՞նչ է նշանակում լինել սփյուռքահայ, լավ ուտել, լավ խմել ունենալ սեփական խանութ եւ ցեղասպանության մասին խոսել, դա նշանակում է լինել հայ... դա շատ քիչ է...»: սա հատված է Շառլ Ազնավուրի՝ 2012 թվականին գրված հոդվածից:
5 տարի առաջ մենք կորցրինք հանճարեղ երգահան, մեծ հայ Շառլ Ազնավուրին: Այսօր նրա հիշատակի օրն է:

ԲԱԺԱՆՈՐԴԱԳՐՈՒԹՅՈՒՆ

Մեր թերթը
Բաժանորդագրվելու
համար կարող եք դիմել



«Հայկուստ» ՊՓԲԸ
հեռ. 51-45-46, 51-45-47

«Բլից-Մեդիա» ՍՊԸ
հեռ. 52-5301

Առաքումը՝ ԱՆՎՃԱՐ:

Ձեզ հետաքրքրող ցանկացած հարցով կարող եք դիմել «Ժողովուրդ» օրաթերթի խմբագրություն (010 54-64-23 հեռախոսահամարով), եւ մենք անպայման կանդախտաբանաբար ձեր բարձրագույն բոլոր խնդիրներին:

ԱՌԱՋԱՐԿ
հայկական տպագիր մամուլից


«Ժողովուրդ» օրաթերթին բաժանորդագրվելու համար կարող եք լրացնել հետևյալ բլանկը եւ ուղարկել նշված հասցեով: Ամեն օր թերթը կհասնի ձեր նախընտրելի վայր:

Բաժանորդագրության բլանկ

Անուն՝ _____
Ազգանուն՝ _____
Առաքման հասցե՝ _____
Բջջային եւ/կամ քաղաքային հեռախոս՝ _____

Հեռ.՝ (060) 490049
0023, Արշակունյաց 2, 5-րդ հարկ, 518ս.

ԵՂԱՆԱԿԻ ՏԵՍՈՒԹՅՈՒՆ



Հիրակ	+ 3 + 7 +18 + 21
Կոտայքի լեռներ	+4 + 7 +18 + 21
Կոտայքի նախալեռներ	+11 + 13 +22 + 24
Գեղարքունիք	+4 + 8 +17 + 20
Լոռի	+6 + 10 +18 + 21
Տավուշ	+8 + 13 +20 + 24
Արագածոտնի լեռներ	+4 + 7 +17 + 20
Արագածոտնի նախալեռներ	+10 + 14 +21 + 25

Արարատ	+13 + 15 +25 + 27
Արմավիր	+12 + 14 +25 + 27
Վայոց ձորի լեռներ	+6 + 8 +17 + 20
Վայոց ձորի նախալեռներ	+13 + 15 +25 + 27
Սյունիքի հովիտներ	+16 + 18 +23 + 26
Սյունիքի նախալեռներ	+8 + 11 +19 + 21
ԼՂՀ	+8 + 10 +17 + 19
Երեւան	+16 + 18 +23 + 25

Լրատվական գործունեություն իրականացնող՝
«Ժողովուրդ թերթի խմբագրություն» ՍՊԸ
Հասցեն՝ ք. Երեւան, Աբովյան 22՝/3, հեռ՝ 010 54-64-23
Պետական գրանցման վկայականի համարը՝ 03U089086
տրված է 24.11.2010
Ստորագրված է տպագրության 30.9.2024
Տպաքանակ՝ 3968
հասցեն՝ Գեղարքունիքի մարզ, ք. Կարսիկ, Կ. Կարսիկյան 271

Գլխավոր խմբագիր՝
ԶԵՆՈՒ ՄԱՆՈՒԿՅԱՆ

Տպագրված է «ԳԻՆՂ» տպարան ՍՊԸ հրատարակչությունում
խմբագրություն հանձնված նյութերը չեն գրայնստվում եւ
չեն վերադարձվում, Գ նշանով նյութերը գովազդային
հրատարակումներ են, որոնց համար խմբագրությունը
պատասխանատվություն չի կրում:

«Ժողովուրդ» օրաթերթում հրատարակված նյութերը արտատպելիս
կամ ընթացիկ մեջբերումներ անելիս պետք է պարտադիր գրառել
հետևյալ նախադասությունը. «Շարունակությունը կարող էք կարդալ
«Ժողովուրդ» օրաթերթի այսօրվա համարում»: